

Банкроттық рәсімдерінде және соттан тысқары тарату рәсімінде уәкілетті органның мемлекет мүдделерін білдіруі туралы

Күшін жойған

Қазақстан Республикасы Үкіметінің Қаулысы 1998 жылғы 1 тамыздағы N 729. Күші жойылды - ҚР Үкіметінің 2004.06.24. N 695 қаулысымен.

Қазақстан Республикасының "Банкроттық туралы" 1998 жылғы 1 шілдедегі Заңына өзгерістер мен толықтырулар енгізу туралы" Қазақстан Республикасының Заңын орындау үшін Қазақстан Республикасының Үкіметі қаулы етеді :

1. "Кәсіпорындарды қайта құру және тарату жөніндегі агенттік" акционерлік қоғамы банкроттық рәсімдерінде және соттан тысқары тарату рәсімінде бюджетке және бюджеттен тыс қорларға төленетін міндетті төлемдер жөніндегі, сондай-ақ соттан тысқары тарату рәсімдерін жүргізу жөніндегі кредиторлардың мүдделерін білдіретін уәкілетті орган болып белгіленсін.

2. Осы қаулының орындалуын бақылау Қазақстан Республикасының Қаржы министрлігіне жүктелсін.

Қазақстан Республикасының

Премьер-Министрі